



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Christophorus M. 25. Iulii.

urn:nbn:de:hbz:466:1-41940

25. Iulii. VITÆ SANCTORUM. 463
Matre & JACOBO succollantibus: ii,
Judici dic, ne damnare perget, quem
mors absolvit. Vix hæc ille ad matrem,
cum mater hoc ad Judicem mensæ ac-
cumbentem. Hic; tam scilicet filius tuus
vivit, quām assus hic cum gallinâ suâ
gallus, qui laetus unctusque sepulchrum
stomachum expectat. Jam carpere para-
bat, cum gallus & gallina in vitam se e-
rigunt, innocentiae victrixi alis applau-
dunt, gallius etiam Pæana canit. Ergo
damnat se ipsum Judex, & innocentem
missum facit, volucrum verò proles post-
humæ etiam hodie plumas suas cum lau-
dibus JACOBI in omnem orbem spar-
gunt, nunquam omnes, licet tot quoti-
die vellicant, evellendas. Ex L. Marinae
l. 5. de reb. Hisp. c. ult.

*Quid ditius quid in corde dulciss, quid
in terrâ quietius est, & securius bona con-
scientiâ? damna rerum non metuit, non
verborum contumelias, non corporis crucia-
tus, quin & ipsâ morte magis erigitur
quām deprimitur. S. Bern. l. de Cosid.*

S. CHRISTOPHORUS M. 25. Iulii.

CHISTOPHORUS, sive corporis
sive animi spectes robur, semper
magnus, nomen hoc suum reportasse
tunc creditur, cum Christum sub pueri
vultu per aquas transportavit, non ma-
gni laboris maximum nauum. Certe
Chri-

464 VITÆ SANCTORUM. 25. Iulii.
Christum per Lyciam circumtulit, cùm,
ut auctor S. Ambrosius est, hominum
millia IV. supra XL. ferre Christi jugum
docuit. Virgam manui familiarem cùm
ad concionem dicturus aliquando humili
defixisset, confessim frondere vidi, &
miraculo etiamnum pietates favent. Sed
& ad tribunalia tulit *Christum* Captus
enim & in vincula conjectus, Decio imperante,
immissas ad se geminas & per
frictæ frontis mulierculas à Venere ad
Christum perduxit, cui etiam sanguine suo
mox litarunt. Ipse candenter ab igne ga
leam indutus & in ferreum, cui flammæ
suberant, lectum abjectus dormire scilicet
suaviter in his tormentis visus est. In
de jaculis militum stetit expositus, ingens
meta, sed prorsus innoxia. Quid? quod
ajunt sagittam reversam domini sui oculo
perniciem attulisse, & medicinam eidem
CHRISTOPHORI sanguinem fuisse,
qui tandem cervices gladio fortiter dedit,
quod unum restare videbatur, ut hemilem
cæli portam tam magnus subire posset. Ex
Sur. C. Lippel.

Beata anima, quæ thalamum suum di
ligenter ac decenter adornat, ut cum digno
ac placito Christum regem honore suscipiat.
O anima, considera, quæ sit illa Majestas
suscipienda: cogita quâ curâ te illi pra
parare locum oporteat. Guerricus serm. 3.
de Purific.

S. GLO-